

"Le botyè a Tobi" dè Vevè in dyu

Autor(en): **Chudan, R.**

Objekttyp: **Article**

Zeitschrift: **L'ami du patois : trimestriel romand**

Band (Jahr): **12 (1984)**

Heft 46

PDF erstellt am: **29.04.2024**

Persistenter Link: <https://doi.org/10.5169/seals-241172>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

"LE BOTYÈ A TOBI" dè Vevè in dyu

Nouthron prèjidan d'anà
no j'a tchithâ



Jules Currat irè avui no, in 1962, kan no j'an fondâ nouthron groupè-min di patêjan fribordzê dè Vevè: "Le Botyè a Tobi". E, le 2 dè mâ 1963, in-athinbyâye jènèrale, no li-an betâ in man l'avini de la chochyètâ in le nonmin prèjidan. Avui atan d'èchyin tyè dè kon-prèanchyon è d'amabilitâ, l'a tinyê lè lathè tantyè in 1978. Koutyè rèbritsè din cha chindâ l'an d'obedji dè léchi cha tsêrdze a

on novi prèjidan, Médé Hyemin (Amédée Clément) ke l'a, du ha dâta, tinyê hô la palantse.

Jules Currat, Julon po ché j'èmi - è n'in d'avê, di j'èmi - l'è todoulon j'ou on bon è grahyà prèjidan pyin dè bounè j'idé; ratâvè pâ oun'okajyon po fére tsèvanthe. In dè pye dè chin, irè on patêjan din le pye bi chan dou têrmo, i konyechê chon patê mi tyè no ti. Le dèvejâvè avui atan d'èjanthe tyè lè viyo j'armayi, a la vèya, dèvan le krou dou fu, ache fênamin tyè le barlatê ke trèpoujè ch'n'oji chu le mu dè pèrè po barjakâ on bokenè avui le tsêroton. Irè tan pyéjin dè l'oure dèvejâ è ché gougenètè in patê l'avan le don dè fére a rèkathalâ lè pye potu. Le patê li-alâvè kemin la châva ke koua intrèmi dou bou è de l'èkouâcha, i chayivè du cha gouârdze ko le mê d'na bèna.

Ma, Julon irè chuto on bon krètyin, on-èpà di pye dà è on chènaya binvèyin. ou tin yô le pan irè gayâ malê è pè-nâbyo a gânyi, kan la têra irè pou provinda, l'a alèvâ din le rèchpè di j'anhyàn è la krinte dè Dyu trè fiyè è dou fe ke li fan anà.

Julon bin d'amâ, te dèveché tè djindre a no po nouthra chayète dou 15 dè juyè, te tè t'irè inchkri, ma Dyu t'a tchirâ pye fè onko tyè no; l'è dinche è pochin ke t'

montâ pye hô tyè no din lè patchi dou Molèjon; t'â dèpa-
châ lè montanyè lè pye hôte, t'i montâ din la yê, bin tan
hô ke t'i, ora, ou paradi pèrmi lè j'andzè, avui le Bon
Dyu è Cha Chinta Dona ke t'â tan bin chèrvi tota ta ya.
La chochyètâ di patêjan fribordzê dè Vevè, "Le Botyè a
Tobi" tè di: "Adyu", ou, pyethou "A rêvêre". Du Lé-Hô,
prêye po ti hou ke chon onko ché-bâ è k'atindon le momin
dè tè chuêdre.

R. Chudan.

* * * * *

Chayête anuèle
dou Botyè a Tobi
Vevè

Apri avi rôdâ bin kotyè kou è, chin, ti lè j'an, din lè
tyinton vejìn è, mimamin, din le Jura franché è in Cha-
vouê, irè nouthron dèvé dè fére on yâdzo na chayête din
nouthron tyinton.

No chin don modâ a 8 àrè du la Pyèthe dou Martchi a Vevè.
Avui on kâr de la Méjon Crottaz dè Bussigny, no chin mon-
tâ tantyè a Tsathi-d'É pè la route di Mosses. Dèdzounon
ou "Tsalè". Apri chin no londzin le Chebetô (Simmenthal)
por arouvâ dèvan Boltige yô no prinnyin la route in zig-
zag tantyè ou kol dè Balavouêrda. No j'arouvin a Tsêrmê
yô l'apèrô no j'è ofê pè la chochyètâ. Du inke no pâchin
a Bulò è no no j'infatin din la dirèkchyon dou Molèjon.
No no j'arithin a la "cabane dou ski-club de La Toua."
Oun'èkipe dè koujenêrè è koujenê no j'atindan avui on
goutâ dè gala. Lè parê è lè trâbyè iran garnyè dè hyà
è on chon dè bènichon no j'arouvâvè ou nâ.

Le tin irè inpoutenâ, l'a pyu di bon momin a la vècha
ma le dzouyo irè din le kâ dè tsakon.

Mujika, danthe, tsan a fére a byèvachi ti lè tènor de
la Scala dè Milan, le tin dè rèmodâ irè pachâ du li-avi
grantin kan le kâr fa pu rintrâ ha tropa dè minbro ti
pye intrètsantâ lè j'on tyè lè j'ôtro.

R. Chudan